

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 78 (2016)

Heft: 3: Weiterbildung

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.


Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

Fascinar per la nateira

Mez avregl on 25 persungas d'instrucziun dalla Conferenza rumantscha Grischun central frequento en de da scolaziun aint igl Parc naziunal svizzer a Zernez. En de plagn bungas ideias ed inputs.

ANNINA NICOLAY, MUSSEDRA



Fastezs e zaps

Antschet vainsa cun ena part practica aint igl gôt. La manadra ed igl manader digl curs, Anna Mathis e Stefan Trieb, vevan preparo differents post aint igl gôt manevel da Zernez. Anna Mathis ò anschet cun l'istorgia «il petga tar Wanja durant la notg». En'istorgia tgi mossaa tranter oter tg'igls differents animals laschan anavos differents zaps.

Chella tematica è alloura neida profunda da cun differents posts da labour adattos per unfants, scu per exaimpel da metter ansemen igls zaps cugl animal adatto u er da suandar ena veia da crappa cun zaps ed alla fegn da tschartger igl animal da plastic

puso ensanous aint igl gôt. Er impressiounò igl post da tschartger cun perspectivs e spievel lung differents animals aint igl gôt. Naturalmaintg eran chels animals nias pusos apostea aint igl gôt. Chegl ò pero betg munto tg'era simpel da cattar igl ursign da plesch u la rangla tranter las figlias ed igls roms. Anna Mathis ò musso a moda practica e giuionta scu tg'ins pudess passantar en pêr ouras cugls unfants aint igl gôt.

La sagonda part è neida manada da Stefan Trieb. El ò per exaimpel puso diesch tgossas tgi na totgan betg aint igl gôt e nous las vagn tschartgedas. Navot schi simpel da cattar en fermagl tgi è farmo ve d'ena tgaglia. Pinavant ò Stefan Trieb os

tips concrets scu tg'ins pò disfranziger da tgi tgi ena puscha è neida magleda u tgi tgi ò rot la nitschola. Cun turnar a pe ainten la vischnanca da Zernez è er la midada della cuntrada stada en tema. Tge midadas èn neidas fatgas dalla nateira e noua ò igl carstgang influenzu igl maletg dalla cuntrada.

Igl center digl Parc naziunal svizzer

Siva digl 2008 dattigl igl center digl Parc naziunal svizzer an chella furma. En bietg cun treis plangs noua tg'igl visitader catta tot las infurmaziuns basignevas. Dus plangs mossan exposiziuns stablas, scu per exaimpel la forza da furmar dalla nateira u er la relaziun tranter carstgang e nateira. I dat er adegna en'exposiziun tgi sa meida, chella è pigl mument deditgeida agl tscherv. Nous vagn gia ena guidada fitg infurmativa ed interessanta tras igl bietg digl Parc naziunal, er adegna an visita tg'ins visita tal bietg cun ena scola.

Igl parc – en li per amprender

Las persungas d'instrucziun èn er neidas infurmadas dallas pitgas istoricas scu er organisatoricas digl parc. Er è neida mussada la cumparegliazion cun parcs da nateira agl ester, da gliunsch u da manevel. Anna Mathis e Stefan Trieb os sottastritgia tg'igl Parc naziunal seia en li d'ampreender per unfants. Tenor igl model d'experimentscha ainten la nateira tenor Jansen vegia igl parc la fegnameira tgi unfants possan experimentar la nateira. Chegl monta pero er da dar inputs, da sgutzgier e da dasdar igl interess – unfants duessan neir fascinos dalla nateira.

An mintga cass è chegl gartagea cun las persungas d'instrucziun digl Grischun central. Chel de da scolaziun ò persvadia ed ò fatg gost dad eir puspe daple avant igl isch da scola, or aint igls noss gôts e da dar anavant la fascinaziun.